



Мэбета вадава" ила' панан' етри' мэква"!

# НЯРБЯНА НЭРМ

ГАЗЕТА 1931 ПО'  
АПРЕЛЬ ИРЫ ЮКАД ВАТА  
ХАСАВАЮДИМДЕЙ  
ЯЛХАД ҟАДИБЕРІЈА

СИ" ИВ ЯЛХАНА  
ЮПОЙ СЕРТАБИВА"



№ 9 (5231)  
2025 по'  
март иры'  
1 яля  
СУБОТА

Российская Федерация Ямало-Ненецкий автономный округ



Сидяңг: А. Илтик тадтавы

Мэбета вадава"  
мэ"нава"

3 >



## Ты" пэдёхот ныхым' нэкалпива"

**Хэвы си"ив яляхана машина"** талбай сехэрэвна **Няда** харад' няю' тэри хайнаць. Сянакова' ялэ ненэця" нидо' үэдарамбю". **Мания**" юд" җани' пываць. Мале харад' някуна юб" мальцятна хасава сидна" нултась. **Харе**" тыда пэртэ Илья Ябсивич Худи хубтахана мякаданда үэдалавыць. Хахаяда мякана үэдалё мэ"манда" тыда хаевысь. Тикида хосаяванзь мимысь. Ма"нисяв, сянакова' яляхана ненэцие үэдалёлтамбован' харва. **Нява**" нид үэдалё выңги иламда ваде"нась. Таславы яхананда тарпыць, мяд' няю' яда пядась.

Хубтахана то' салаба' ниня хумна" я"авлыць. Ланг' ниня сидя юд' мян' мяд" мярвиць. Мядо" ядхана сямянхат сомбай не' ханм' тэрабавыць. Тарца" хумнахат подермы" ты" вэнолангаць. ҟобто' Пуровской районхад товы Иван Пяк' хан үэвьсь. Пыда ма"нисяв: «Мания" тына" машинахана тэврэйнаць. Танякуй по" тэдва" сававна теневана няхадана" ханаваць. Тарем' ил' сидя үэсь сяхаринда ням' нядабава сава». Лаханако ня"мы няни хан' ниня мята тер" үүхукодрев' җамдыць.

Ханамда манэ"лабтаванзь Тасу яв' няд товы хасава Ядне

Николай Хыльчевич тыда җобитки машинахана тэвравыдась. Сиддо' газм' тарпрамбада" предприятий" нядавы". Яндо' хубта үэб" юд", сыв' Ямбург' хэвхана иле". Хад" ю" мел' ненэця' җэрха, тандая' мивы ханда тэри тэбъя. Сянакова манэ"манзь товы" сямянхат паской ханм' харто' тэрабидонзь. Хамзахалмыто' няю' падроко үэдарамбиць.

Тюку по" Няда" хардан' тодо" выңгат юкад вата си"ив команда" товыць. ҟокханда юркад вата си"ив ю" сёбар" үэвьсь. Яля' еркана ерводо' ненэцие" не-рад вадамдо' мэ"наць.

Округна" үэвахы ерв җани' таня' тэворјась.

Тики яля' лекар" няку" хэван' харвана" пыхыдадо' манэ"лабта пирңаць. Хонравандандо' таняб", сиддо' тодо" яхат товы ерв" тидхале пирңаць. ҟэрм' тер" серо минрена департаментана" манзарана" җани' таняна мэць. Халядава', ты пэрма', җани җамгэ законо" нямна товы" ерво тидпой" хонрамбидонзь.

(Пеляда 5-й, 8-й стр. ңа)

Марина Яр'  
падвы



# Мюсерта” ненэцие” нядаңгосэй

Самляңг ёнар” пир” выңгана илена” ненэци” 2025 похона тарана няд”мадамдо” ня”маңгу”. Пона” нюртей пеляхана мале 1640 мяд’ тер” тарцям’ ня”мавы”. Тикэхэт 1168 мяд’ тер” Ямальской район” тер”.

Округна” тиңгывна нядаңгосэй тидхалембада” ерв” вадавна ты пэртя” бензопила, мини-электростанция, ңу, хор сямянхат саву”ңа”. Ңокханда мюсерта ненэци” сидя ю” тет выңгана мэта ңамгэрим” ня”ма пир”ча. Нянда хуркари тэнз ңавори мипи”: ея”, ңу”, хор”, прасин”, ной”, лампа”, поңга”, лата”, пардонха”на панта” ңэся”, юре” ңэсь”, бензин тахарамба мэта ңаво тэмдаба мэта” есся”. Округна” ңэрм’ тер” серо тасламбада департаментхана манзарапа Григорий Лымар тарем” лаханавы:

—Хусувэй по’ ты пэртяха” мипада” няд”мина” савумдамбина”, несэймдамбина”. Хэвьи похона ңокханда няд”мам” 5410 мяд’ тер” ня”маць. Сидя ёнар” мат” юр” пир” еям’ няби ңум”, мат” юр” хорм’ няби лампам”, самляңг юркад ңокарка поңгам”, сидя ёнар” ңяхар” юр” пардонха”на панта” ңэсям”, тамна ңани” хуркари ңамгери ми”џавацаь.

Тюку поход Пуровской район” ңяхар” юр” самляңг ю” пир” мяд’ тер” пэдара” поңгана мэта хардато” хорад ня”маңгу”. Пяхад мивы хардато” тю”уй” синд”мяд, есся тебадандо” ңани” мита”. Тарця индо” ңудм’ Ямална” ңэвахана



Сиддо: М.Яр' тадгавы

мэнан” ваде”ңадонзь. «Честный маршрут» нюбета ңэдалёрмамда мэ”манда малыңгана няби таңы вынд’ хан”манда ёльцяңгана нянда хэтадонзь. Тасу” хаби” я” няна, няби хаби” яхана тики” то”олха няд”мадо” самляңг по” тяхана ңадимясь. Шурышкарской районхана илена” ненэцие” серо тасламбада ерв тарем” мамы: «Маня” яханана” серо минренина” хусувэхэт харда”мана ңэдалёрцеты”. Ёльцяңдо” това” сер” ненэци” падар” падсеты”, ңамгэридамдо” ня”амсеты”».

Тики” хавна невхы иландо” саирм’ нёдана” юкад вата сиднедет подандо” хэвьи” евако”

ңацекы” няби небяси”-нисяси” хэвьи” выңги илаңгана тарана ңамгэридамдо” ёльцяңмо” нись ңатехэя ня”марпаңгу”. Тарця ңаво няндо” региональной стандарт” сер” мипаңгу”. Ҙани” ңопой едэйвана ңадимы – ты тэмдаба мэта есясавэй ненадо падар”. Есядя ңяхар” ю” ңарка тэн” таславы.

Ямалхана региональной стандарт нюбета нядаңгосэйм’ 2017 поход ңадимдемба пядонзь. Няд”мам” ня”мава” е”эмни администрации” хэсэ, падарм’ пада, паспорт” манэ”лабта тара. Тики” пуд ёльцяңда товарим” ңатеңгу.

Анна Ялтик” падвы

## Саля”, хардахана тасалковы”

Тандая” Ямална” ненадо маркана тасалковам” мэ”цаць. Салехард” ңэвахана мэна ерв ня”обнзер” манзарапа” ңэрм’ тер” ма”люрцаць. Советхад перена” нина” пуда, ңадимдембавы” серото” нямна лаханачь.

Нобт’ ма”лёвы” ненэци” тюку похона пэрманда” манзаандо” тасламбада” Минревы” няби минреванды” серодо” ңуданданадандо” таранадо” Татьяна Сэротэтто ваде”ядась:

—Пявы пова” ңули” ненадо по, ява” лэтрамбади” ед’ ңа. Тикахад ңарка сайнорма” сиднедет ю” пом” мэтава”. Нямэхэна Салехард «Город трудовой доблести” нюмам” мэць пясь. Ңадьбята ңадимдембуванда” серона” ңани”таняю”тидхалевы” ңэңгу”. Ява” лэтрамбадина” ңядабаңгува”, школаха”на няби колледжхана харе” ям” мэнева”, харе” ила” саирм’ теневава” нямна ңэда тохолкова минреңгува”. Вади”на” нямна ңани”няркнава”. Теда” ненэци”, хаби”, тасу хаби”, ңысми” вадавна сабе ни” лаханаку”. Маня” илебий ненэци” ңэраяку” ниб”на” ңа, иринана” теневабцо” тэри” та” ёхода”. ңарка нина” ня”обнзер” ңерибнана” вадина” лэттра пиртына”.

Тики” хавна ңэрм’ тер” серо тасламбада департаментхана манзарапа ненэци” харто” яханандо” невхы” похот илени ханзер” ңядабавам” няби тамна хурка” няд”ми” ңадимям” хэтвысь. Таддикахад тасалковандо” сер” Советандо” терүэ колледжхана ңацекы тохоламбада” таранам”, Нина Михайловна Егерьм” тэравыць. 2025 похона ңэванда” ненадо хэбидя” ялэ” нямна ңэда” индо” ядэрабцо ваде”мыць.

Нанине Хорэли” падвы

## Ямална” ва”лёй” ненэци”

Сайнормы” ненэцие” е”эмни Россия яна” тиңгэвна яңга таславы программа манзара. «Время героев” нюбө”ңа. Яна” ерв” ватовна ңадимдевы. Вадавнанда ява” лэтрамбавы” ненэци” сямянхат ва”лёй”. Сайнормахад товандо” пуд тамна ңарка таром” тэвра пирна”.

«СВО” няна мэвьи” нина” хусувэй илаңгана тарана серкана нерняна мэбто” тара. ңацекы тохоламбада” ила” серо ня”-

амбада” э, харад” ңэвахана мэнээ, хуркари” тоенана” серо тидхалембада” манзара пирнадо”. Ненадовна яля” няю” ңэда” серо минре нядаңгода”», – Владимир Путин тарем” лаханавы.

Хусувэй ё” ңэвахы” нермбэртидо” харто” яханато” таняд паңгадёд” проектадо” сертавы”. Маня” Ямална” ерв яра иры” 23 яля” пирканы «Герои Ямала” нюбетам” ваде”ңась. Сайнорма” няд товы” ненэцие саву”ңась:

— Сиддо” няд”мяць Россия

ява” тамна ханяцей мюняд мэйрэмбаңгува”. Пыдо” илма” савумдамба нядаңгурта”. Илебий” ненэцие” табедамбаңгу”. Программахана мэвандо” сер” сайнорма” малыңгана ховы” яля” няю” ңэда” теневабцудо” ненэй илаңгана сава” сер” няю” мэтыдо”. Тарем” Ямална” ныхыда ңармданаңгу.

Ненадовна «Герои Ямала» проектхана мэвьи” сайнормандо” пуд несэй манзаядамдо” тохолаңгу”. Тохолкован” харвана” -падродо” таславы ялэ” пирканы

ңэдабтамбаңгудо”. Тюку сайт е”эмнандо” мале манзара:

<https://героямала.рф/>

Мяканато” мэнэ” яра иры” 23 яляхад ты саполана иры” 31 яля” ёльцяңд” тохолкован” харвабцомдо” таняна пада пирна”. Теда” сайнорт” ңобтики тохолко пиртадо”. Е”эмнандо” яңга таславы яля” таняңгу”. Тамальүгана падродо” ңэдабтамбаңгудо”.

Галина Окотэтто” падвы

# Мэбета вадава" мэ"нава"



Сидячүг А. Яптик талтавы

**Округханана" тодо" марка"на,  
нюдяко" хардаха"на үэрм' тер"  
ненэця", үацекы" паднаванзь  
ма"лорцаць. Үарка яна"  
тиңгэвна ненадо яля  
миңась. Хусувэй тэнз"  
харто" вадидо" саву"цаць.**



Ямалханана" тюку по' хасаваудимдей үарка паднавам' мэ"цаць. Тики" е"эмня Саляңгардахана толаңгова" мякана ненэй ненэця", хаби", үысма" үобт' ма"лыць. Тикахана тодо" лохого"на няхар" тэнз" вадавна диктантм' падыбиць. Маня" «Няръяна Үэрм» газетам' минреняյэ үани" паднаванзь хан"наваць. Илебей", үармбэй" ненэця" мале үокаць. Ханяңыдо" мяд' терсавэй тоныць.

Тюку пова" «Год героев» нюбе"џа. Үадьбята ненэй вадавна падна"мава" сайнормы ненэця", нямна үась. «Снаряд' лабара"ма"м нюбе"џась. Навхы ненэй вадавна үэда букварьм' сертавы Анатолий Иванович Рожин" падвы. «Осколок сна-

ряда" нюбета падвэнда пеляхад ханавы.

Падна мале"мяхадана" Дарья Нокдэттам" хонрамбидамзь:

—Мань Санкт-Петербург маркана А. И. Герцен" нюомам' мэта университетхана тохолкудм'. Небо" таняна паднадамзь. Тедахав" Саляңгардахана мэвани" сер" тюкон" тодамзь. Небяхаюни" нисяхаюни", хадами нянани тоць. Үацекы үэвани мальңгэхэд хардахана вадёдадамзь. Вадами лахана мэць теневаркав. Си"ми хонрамбадам' хамедаңгув. Ненэй вадавна паднава нянани

тоенарка. Хуркавна үод" падна тоходадм'. Тюку ялява" сававна мэ"нава".

Нани үопой нем' лахана ня"надамзь:

—Тарця диктант" танява сава. Ненэця" вадамдо" тензебтэмби". Тад тикахад мань тарем" тасламбив, үани похона хаця несэйвана серта тара. Үэрм' тер" серо минрене" ханяримна юнм" үэдарамбая". Тамна үокамбай" Ямал" тер" теневава" е"эмня. Яна" тиңгэвна ненэй вадам" нерня" тидхалембада" үока". Школаха"на үацекы" појгана са-



вавна ненэй вадавна тохолкода" таня", илебей ненэцие" појгана едэй" паднанина" үадибелыд". Сиддо" ненадумдамба тара. Үудито" терүэ ненадо падро ня"амбато", ихинато" үарка таром" минревадо" соңгу. Колледжхана тохолкоди паднаванзь етэ үэдарамбабато" сава үэнгусь. Појганандо" паднаван" харвана" үока". Тохолку" ни"им". Тики" сер" тось я"мадо".

Округна" үардавна тамна хуркари" ненадо сер" үэвьиць. Сёяха" хардахана мяд' мюня диктантм' падыбавыць. Школа-интернат" тер", нюортей классаха"на мэна" ма"лормыць. Тикахана үэрм' яна" нямна стихотворения ваде"мыць. «Язык моих предков угаснуть не должен» нюбета конкурсамдо" ненэй няби луца вадавна мэ"мэдо".

Маня" мал' хамедамбива": хусувэй тэнз вадамда теневабта, невхы иринана" минревы или" саирм" нива" юрыбаңгу". Тяхад үэда" паңгона", вадина" теневангуна".

Руфина Окотэтто" падвы

## Тохолкода" пирдырна"



**Ольга Яптик сита тохоламбаданда ня,  
Надежда Сэромовна Хороля" ня үобкана  
хамекосетыхы".**

Олимпиадам' падыбавандам', пудана по' школахана тохолкода не үацекым'

хонрамбидамзь, пыда тарем" мась:

—Үокханда ю" манзаясь. Луца вадахад лахарём" ненэй вадан" серта тарась. Ненэй ненэцие" паднани" падвы толабиваць, тикахад хуркари манзаи пэрјаваць. Хар"на" ина" ядэрабцо, эссе" падыбиваць. Тарця пирдырмакхана нерня" еремб", ёльце сава, пун ЕГЭм" падыбава" ёльциңгана яңга балл үабтамби". Сяюкм" үабтавамдо" тохолкулава" яха"на харто" тасламбидо". Небой похона си"ми ненадумдабиць, тюку по' үобтики вареми мэтадм", маси", үани" нерня" еремдадм".

Тарем" үацекы"на" хуркари" пирдырмакхана мэва, вадамдо" мэ"мадо", тамна"тхаха"тохолковандо" нямна ибедормадо" үули" сава, тарана сер".

**Анна Яптик,**  
падвы

# Ненадо” серодо’ тасламбавы”

**Тюку си”ивхана «Ямал – ню”на” я!» Ассоциация Тасу яв’ няна щарка тасалковам’ мэ”џась. Хальмер” Седе”э хардан’ Ямална” тингы” паңгта тер” тоць. Пыдо’ хавнандо’ тамна я’ индадм’ тюхулпади” предприятие” щэвахы” ерв”, я’ сяр’ нийм’ лэтрамбади”, маниени” щарка палытана мэвы”.**

Тасу яв’ няна я’ тебтм’ мале юка по” тяхана тарпрамба пяць. Тики” ямбан’ мюсерта” ненэцие вади тэволанаң «Ямал – ню”на” я!» Ассоциация’ тер” тара”. Таславы манзаямдо’ тид” минредо’. Надьбята тодо” паңханато’ мэна” нидо’ манзаямдо’ вадець ха”мыдо’.

Ханандо’ юкад вата си”ив газм’ тюхулпада” предприятие” манзара”. Ханяңы” яха”на мюсерта” ненэциена” невхы” недарми” ниня ѱа”. Манзара мэта” щаворито” щэсь яңэ ты” хадо хан”ла”. Тики” е”эмня Тасу я’ няңы Ассоциациян’ есям” салдамби”. Яна” тер” ненэцие” е”эмня манзара ядамдо’, нядангосэй щадимдемби”. Тарем’ юд” юка щамгэхэ”на щопой иңүт” ни” ха”мор”. Ханяңэхэн я’ индадм’ тюхулпада” я’ хоба’ нийм’ пудандо’ мюмдевдавэй”, таборцавэй” хаебидо’. Тарця” сер” ненадовна тасламбада”.

«Нэрм’ тернэ нянана” сямянхат сяндава” – хар”на” иле ява”. Ты пэрма – мюсерта” нина” ила’ паңг. Надьбяна” ява” сянзы тара. Тики маня” серма”», - тасалковань товы” тарем’ ибедормы”.

Районандо’ щэвахы ерв юка по” ямбан’ щобнзэр’ минре на манзаито” нямна лаханавы: «Маня” я’ индадм’ тарпрамбада” предприятие” няд”мяць Тасу яна” е”эмня хуркари” тарана”



Сидиңгүр: tmeUgai\_VK няд ханавы”  
лекараха” ядэрць пирнадо’. Тюку по’ е”эмнандо’ Тюмень” няд щарка лекар” тута”. Хабцяжото’ танявам’, яңговам’ манэсарта”. Щарка хардаха” ха”морць ни тараңгу”. Тики” хавна Мессо яха”нана едэй хабарталвам’ щабтаңгу”. Хахая мюсерта” вы” тер” тыдо’ щыхы ян’ нидо’ танабаңгу”. Йока нядаңгосэй Ты пэрти” яля’ е”эмня щадимдесеты”. Мерета” еся хан”, ты” пардон” лабтэй” щэдакы”. Ханяңэхэн ах дахад тиртя щанохона ненэцям’ щэсихында тэвра нядаңгу”. Тарем’ тоенана” серо пирдалемба сидна” ёльце нядаби”.

Галина Кинчина,  
падвы

## Мятамдо’ ня”ма”

«Чумовой капитал» нюбета няд”ма Ямал’ тер” е”эмня тет по” ямбан’ тания. Мюсерта” ненэцие” е”эмня таславы. Тюку по’ сямянхат нерденаң Пэ” няна иленаха’ Ледков мяд’ терха’ харти’ мяти’ щадимясь. Пуданди’ Тасу я’ няд сава юнм’ намдаваца. Таняна Степан Тэсида пухуцянда ня ненадо нядаңгосэймди’ ня”амџаханьз.

Няхарамдэй, тетимдей «Чумовой капитал» м’ Пэ” хоё” няна мюсерта” сидя мяд’ тер” ня”мадонзь. Яра ирыхына районандо’ ерв’ Иван Сакал харта падродо’ няндо’ ми”мыдась.

– Александр Прокопьевич няби Екатерина Николаевна Лаптандерх’ няхар” нюди: Константин, Августина, Елизавета. Нюдяю’ не нюди’ хэвы похона щарка пэвдэй ирыхына соявы. Кондыгин еркэм’ мэтаха’ Леонид Геннадьевич няби Елена Михайловна щобтики няхар” щацекэди’. Мал’ не”: Виктория, Да-рья, нюдяю’ – Ольга. Маня” Приуральской районханана” 2021 поход тет по” ямбан’ самляңг ю” мядм’ миџаваца. Няхар”, тет, самляңг, тамна тикахад щокарка нюом’ ховы” ня”амсетыдо’. Тюку поход Ямална” ерв’ табековна нябимдей нюом’ соявэхэ” щани’ мипаңгува”.

Тарця ненадо няд”мам’ мэць Ямал’ щардавна 2021 поход щокханда мале няхар” юр” мян’ нюсавэй” мяд’ тер” мяцавэйнэ хаяць. 2025 похона тамна юркад вата пэдара’, вы’ тер” ненэй мятамдо’ ня”мангу”.

Галина Окотэтто, падвы

## Щарка таром’ минревы”

Тюку пова” Россияна” тингэвна Щарка Победа’, ява” лэтрамбади” ед’ таславы. Хэбидя ялям’ щатева”. Сидидет ю” по” тяхана фашист” саю мардаца. Тарем’ Победа’ ялям’ хахаял-темба щавхы” сайноро”ма” иле”мяри нива” тензебтэмбаңгу”. Та’ малыңгы” тоенана похо”на манзаравы” хаданана”, иринана”, теда’ поңганана” мэни не- надумдамбаңгува”.

Округханана” сайноро”ма” похо”на манзаравы”, саю маядамбавы” ненэцянг” ненадумда”ми миши”. Тазовской районхана Щэдяңгана Ватане Евай медальм’ ня”амвыйс. Пыда тамалыңгана «Заря коммунизма” нюбета колхозхана манзаравысь. Сита щар” нита ня поңгармы”, ту’ табца”ма” пяд маторпавы”, лядпавы”, щуву ма”ламбавы”. Тад пуна тикидо’ хардан’ тэволовавыдо’.

Ватане хадава” илеванда ямбан’ выңгана иле. Тюку тенат хой’ няна нюху”ната Евай” саля’ вымна мюсерја. Нюта ню” ню вадаба нядаңгу. Харта юд” хасава ю” нюом’ вадавы. Хахаяда яляха”на 105 поданда хаясь. Тики” е”эмня Россияна”, округна” щэвахана мэна” ервахат щуда’ тер ня”амвыйс.

Тамна щани медальм’, Мария Мамбливна Салиндер’ ед’ щадам’ хасава нюода ня”амвэдась. 99 понда щэсонд’ илевысь. Пыда щобтики сайноро”ма” похо”на манзаравы.

Тарем’ война” щэва’ ямбан’ манзаравы” иринана”-хаданана” щарка таром’ ха”молавы”.

Руфина Щокэй, падвы

## ОБЪЯВЛЕНИЕ

**СЛУЖБА  
ПО КОНТРАКТУ  
В ВС РФ**

ПОЛНАЯ ИНФОРМАЦИЯ ПО ТЕЛЕФОНУ  
8(902)81-6-11-90  
ЗВОНОК ПО РОССИИ БЕСПЛАТНО

**ВРЕМЯ ДЛЯ  
ВАЖНЫХ РЕШЕНИЙ!**

**КОНТРАКТНАЯ СЛУЖБА**

**6 200 000 ₽**  
**ЕДИНОВРЕМЕННАЯ ВЫПЛАТА**

**3 500 000 ₽**  
ПРИ ЗАКЛЮЧЕНИИ КОНТРАКТА НА ЯМАЛЕ

Приблизительные затраты на проезд от места проживания до г. Салехарда  
На период оформления проживание в г. Салехарде  
бесплатно, 3-х разовое бесплатное питание

**ОБУЧЕНИЯ:**

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

**3 100 000 ₽**  
единовременно от региона  
**400 000 ₽**  
Министерство обороны

**До 120 000 ₽**  
заключение военного социального контракта

**РЯДОВОЙ**  
от 210 т.р.

**СЕРЖАНТ**  
от 232 т.р.

**ПРАПОРЧИК**  
от 292 т.р.

ЕЖЕМЕСЯЧНЫЕ ВЫПЛАТЫ  
ПРИ НАХОЖДЕНИИ В ЗОНЕ СВО

# Ты” пэдёхот ныхым’ нэкалпива”

(Нердена пеляда  
1-й стр. ңа)

## СЕБАР” ПИРДЫРМА”

Пуна тандая’ сававна сянакова” пэйдаць. Сёбар” хасава” пирдырма” ёто’ няку’ вэрнаць. Ярколана”, ныхыдырта”, санарта” юкамбой” юэвыць. Пыдо’ пирмадд’ ниня мэць. Харто’ ныхыто’ пирувна сянаковадамдо’ тэрабиць.

Пэ’ тер” паридена” таңгатана” малъця” ненадовна үыхы яхад үадиць. Василий Лаптандер мась: «Сянакова тодо” явна тярьянаць. Хусувэйва” юамгэхэв пирдырмахана мянувнанда ва”лэй. Ҙанина” яркола”, хано санарпи”, мал” юбана” ты пэртыва”». Нини’ мале танякуй поход торомдэйнинзь. Пэ” тер” сёбар” юэвандо’ нямна юндо’ пили” сосеты, ханярина нерня’ ха”морцеты”. Теда’ ярколани” поңгад Алексей Тайбери нерня’ хаясь. Юкад вата тет яңорэй тюрм’ ярквэдась.

Ныхыдырта” поңгана сырта юкасъ. Пыдо’ малъцята сыра’ ниня таңга юамдэ сырђаць. Тарабата ябити тёрхана яндо’ тер сахамламбасетыдо’. Пуда хаёвы няхаюто’ нерня’ юадиво”махад сырта” хаця сенасялмаць. Тасу яв’ тер Сергей Ярва”лэй сёбарм’ Лев Езынгим’ нэкалнадась. Тики илебей ненэця’ нерня’ ха”амва’ нямна хибяхарт нись тоса”.

Ненэйвана таро”мам’ саць үатесеты”. Тэйльцяңгана нидо’ сахамламбада” тёрм’ хаесеты”. Мэбетито’ хаюрп”, ханяцей’ сахамзеты”. Харе” помнандо’ хибяндо’ мэбе”мам’ тасламбасеты”. Ямальской районхад сидя няндо’ хаё”махад нидо’ нерня’ сахарамбада” сава вади ниць сяй”. Худи Вячеслав МОП «Ярсолинское», манзарана няби Вануйто Владислав «Харп» община, тер хаихинзь. Вячеслав нямда латакута ни’ мэдась. Тарем’ нерня’ ха”мыць. Хано санарпада” җани’ нюрциам’ юэсеты”. Хороля Игнат’ пирувна санарта Няда’ хардан’ товэхэт хибяхарт яңговы. Няхар” юр” сидндэт ханм’ санавы. Ю” хан’ пирувна «Харп» община, тер Пуйко Григорий хаёвы. Няхаромдэйдо’ - Пэ” тер, теневана нями Лаптандер Василий юэвы. Сямянхат үыхы ян’ сана Пуровской районхад товы Иван Пяк’ пирувна

хибяхарт нивэда пирас”. Тики пирдырмахана яндо’ терри” нерня’ ха”мыдаць. Хахаяда” по” тамна этнобиатлон үадимясь. Таня’ мале сян пирдырмам’ мэвьиць. Ламбитана нид сюрамба таславы яхана тюрм’ яркыбаңгу. Таняна командавна пирдырца”. Нерня’ Ярсолинской совхоз’ тер” ха”амвыйдаць. Няби” Панаевск’ тер” юэвыць.

Ноб” яляхана пирдырмидо’ мал’ мэйдонзь. Нердена яляханандо’ таминдо’ юэдалёрць пэйдаць. Сянакова’ ялэ” нерня’ тэхэ”на мэн” ненэця” ватодо’ танясь. Ма”нисям”, юэдалёрма’ ёльцяңгана тю”умна тирта” кино сертабада” квадрокоптер” янгобто’ тара, тарця” мутра” тыйдо’ юпрамби”. Ненэсянда сиддо’ намдавы”, юэдалёди” нимна юб- карт тирта квадрокоптеряңгусь. Таңга ня- ваталаңгурцаць. Ялянда тиднэ хэсь, то’ салаба’ ний терсялмась.

Няби яля’ ялянда сэв сававна үадись. Тецьбата үод” хубтахад ненэця” юка юэвыць. Тики яля’ сабе пирдырма” яңгучь. Мядо” помна ядэртажав үули” юкасъ. Нито’ пуд мюддарев’ вэрнана” то”олхаць. Харад’ тер”, мядонда” нянандо’ таранадамдо’ тэмдэ пиряцаць. Ты’ юамза”, халя” хуркари тэнз”, юамгэн’ харва” мал’ хось пиръядонзь. Луца яёл” тараб”,



җани’ юкаць. Ҙавори мирдапади” поңгана маня” юэрм’ тер” нина” таняць. Тэхэ”на мэн” тыйто’ юамзи, ватавы” халэдо’ мирдапиць. Ноб” сюмбак” мир” няхар” ёнар” пирасть. Тэмдавакыдо’, нивыкыдо’, намдувдавэйва”.

## МЮСЕРТА” МЯД’ ТЕР”

Хусувэй по’ сянакова’ яляхана мюсерта” мяд’ тер” турцеты”. Помнандо’ җани’ пирдырцеты”. Пэ” терхат Иван няби Анна Лаптандерха’ иламди’ манэ”лабтамбихинзь. Мяти’ тер”

техэ яханандо’ тэхэ”на мэ”, нэвхы иринато’ недарми нёда”, Пэ” тэл”мана мюсерџа”.

Паюте”э” выңгад Лапсуй мяд’ тер” товыць. Небямдо’ танякуй похона торомдавась. Теда’ нина” ядабтавана” сер’ юбкана ялэ манэ”мдарев’ лаханакурџаваць. Анастасия Хохолевна Паюте”э” вымна мюсерџа. Харта самляңг нюмда вадаби. Нюкцида мал’ юухукодрев’ ембадыць. Поңганандо’ сидя хасава нюкцияюда мэжаханзь. Няхаромдэй по’ школахана тохолкода Игорь харе” мантанда вадамда ханадась: «Ихинани үули” сава. Ҙарка марканы мэ”мами яңгу. Ҙока ненэцие” поңгана үули” ёхова” то”олха”. Небяда лаханана хасава нюмда саву”үадась: «Тики нява” конкурсан’ тованды няю’ вадида минханда тохоласетыда. Нобкарт пуня’ нисеты ңа”. Теда’ ненэсянда сава үуда’ терм’ ня”муванды”.

Конкурсхана мэвь” мэkad үавэ манэ”лабтамбиць. Харе” иламдо’ ваде”мандо’ хавна иланганандо’ мэта” паныдо’, үавар пиррембавамдо’ үадимдембиць.

(Пеляда 8-й стр. ңа)

Марина Яр’ падвы



Тэхэ"на манслани" дялям шича дялян дямпан мэжатоньш. Мяня" Пуровский" районхатна мяналмантуү мэты Калпюлкат, Талкахат, Самбулкахат мэна" Надыман тоңаш". Праздникхана хынилмантуү мэт шанат тэмс неша" юмаш". Ёэлм' чед" нешаңкна" ты" падильчи" дяля - пиidi хома дяля. Праздникан томэ" куптат ниня манымайтуү дилюнатуү кошту", няханатуү дёлимишошту", појкнатуү нэхэмтуү, нюңк юймымтуү мяналыш конулдштуү".

Нельчеэй дяляхананто ѡ празднику" найпёш тың кан" парад" шелтаңаш". Кан"нутуү



## Надымхана мяналяш"

**Дюлкат ва'та шеёвдю" мяналта", шанат ты" кан". Надым' нимита калтыхина ты" падильчи" шана'кома дялям мэңаш".**

**Појкнантую мяналяш Ямална ѫалка ведв Кубок' митумантуү мэт шанат дяхат мэна" јэлм' чед" неша" юмаш". Ёопшөд шеёвдяյкни команда".**

Чуки 2025 похона шитчет'дю" пуңэ кайны хэлаку" лусахана хайнольш нэхэлма похоты. Ямалхана юай Год героеv. Талям нельня миңта кантон оленно-транспортный батальонхана мэштомытуү кандахаш.

Мяналмантуү мэт томы" јэлм' чед" нешади" поздравийманта мэт Ямална ѫалка ведв Дмитрий Артюхов тоңаш. Пыгта выңкат мэна" нешаңк мунуш хома, шейхана лимпыта" вачи" мэңаш. Праздникан юмы" хомана ныптакома ѡ мэты кудкали" юамыдю" шелтаңаш". Хятмайтуү юамыкутуү юйчимчемпюта" тадымәңаш", юамлу" мичилдпёта". Пили ха'та", пимшата" неша" конкурсхана «Кочующая семья



- 2025» мяналяш". Мяналмантуү мэты шанат дяхат мэна", выңкна дилина", мансланна", неша", капи", юысма" юмаш". Ёопшөд шеёв миょшадта" мятчел".

Маня" Пуровский" районхатна Иван Пяк мятчел" мяналяш". Иван шичадю" пуң ты" падельш Талкахай «Верхне-Пуровский» совхозхана манслаја. Кявхананта мэнанта Татьяна няј нюувдеч ватапёшь выңкнадилижаа. Чильниймана диламч' минденхаа нешаңк. Мишилта" неша" диливсомтуү юйчимчимпёшь шанат конкурсхана мяналяш". Маня" нена" дёльше пимши", таңок мяналчи" појкна няхамты местам' канаја".

Юалка мячисэмтој Тазовский районхат" мэна Анастасии Лапсуй мятчел" канајатуү. Таъла дяляхана шаңкмян хынилта" нешаңкна пили вильта - тың канхана няматалакудма. Хомана юайталёмантуү мэты неша" тытој нельшут кан" видян тохолаштуүц.

Тың канхана юайталёш чепилдмы" појкна юайвахай местам' Надымский" районхат мэна Владимир Хатанзеев канајата. Маня" дяна чең няма Самбулкахат мэна Алексей Хатанзеев нимимты местам' канаја. Шича дялян

дямпан мяналта" шана'куш": няхал ха"мхана ха"муляш", нэхэлумпиш", шалди" ўылна нюомкупёльш нетүү конулдиш", кан'ну" нимия ха"муляш", нялян паңк вялкүлдиш", этнобиатлонхана шульвиш мяналяш". Пуровский" районхат мэна" нена" няхал ха"мхана ха"мулта" нешади" појкна мяналяш юайван каамдяг. Калпюлкат мэна Николай Пяк няхамты местам' канаја. Самбулкахат томы Анатолий Вора ха"мольш нимимты местан каамдяш. Калпюлкат мэна няма Иван Пяк юайвахай местам' канаја. Пыгта снегоход мячисайџа. Тың канхана юайталёш юайвахай местам' канамы", шана'ко мяналяш нэхэлдмы" тутуј мидита" мячисы" ня'амја".

Ямална ѫалка ведв Кубок' чуки похона Ямальский" районхат мэна" нешади" команда «МОП Ярсалинское» канајата. Пуровский" районхат мэна" нена 1-2 марта таңаканта таңок мяналты". Таньдёльшканта Талкахана ты" падильчи" дялям мэтна". Шича дялян дямпан јэлм' чед" неша" појкнатуү шана'ко мяналты".

Андрей Пяк  
патмы



# Хорэйко' талере"мя

(Нюртей пеляда  
8 номеркана ёа)

## ХАНАКОЦЯМИ ПЫРДАРИ' ТАД"

Намдё мэтанда лабтэй' хэвхана хан' пыя сыра' ўылад ёадьвы, нэкалцада, марсуй ёэвы. Хэвня' мода, лабтэй' ни' ёани' ёамды". Юркаван' ханзеркаванда ни харва", ёамгэхэв сидта ўыльняд ёамбадараха. Пэвсюмя. Хорэйко варета юркы". Ховы ханакомда нянанда хана таслада. Сидя ханаком' нюдерць мята няна хая.

Небяда товдавэй ёэвы, ёани" ядэрта" ёоб' тарем' яңговы". Хорэйко ховы ханакомда мята хэван' нига тэвра", вар' няна ёэда ёоб' хан' лехэн' такалцада. Мяканда тю, пуна' небяда то, ёоржаха'. Ядэро"мита нямна, ханаком' хованда нямна ёобкарт мунда яңгу. Хибяхартан' нига тасладес". Намгэхэв сидта табламбадараха, нямуда нитиканда тадвэрха.

Хона"махадандо' лакри, пи' сава ерня' Хорэйко хуркахав сенахад немада хая. Макода' сивна иры' яля мяд' мюйм' ёарханда ялэмдамбид. Ва"анда" вэнеко" малнэ ёади". Хорэйко ит' харбелы", ёамды". Мяд' ядхана ненээции" вабц намда. Танянандо' ёока ёэванондо'. Тарем' сыртыханда нё' си нэй", пихид тэцда' ямбя" мят' то". Нё' нэ"мявна хибяхав мяд' мю' нёлёкоца ёацекым' мят' сү"јапи, лахана:

—Тяха' мэд", мят' тю", сит ёар"

њацяр ёатена. Нер" ханакомд ханасянё, теда' ёяданд хант". Ханакомди' ёоб' сер' едэйко мэтари'. Ти, няр мале юркавы", тяханя' хань", ёудахаданда ня"мад", пин' ёадимденгуга", нянана" ханаңгуга".

Хорэйко ёамдё сырџа, пелей' юна нуна манэ"ја. Ёопойдо' ёацекы, со"оканда сёбя' вар ёарханда ёадсуй", сята няби хэв' яңгодахара. Со"оканда пан ёоб' тарем' юули" нэлсуй. Сята ёадсуй тохэкана малдёдара. Ёацекы' хэвхана ёоб" не ну, паныда ёоб' тарем' нэлуй", ёеванда ниня пелда лабторта ёокасым' мэ"ја. Нё' ююна ёоб" пирця хасава ну, ёани' ёадцуй паны мэ"ја. Ёядандо' Хорэйко вэвако"я пур"яха ёабтм' намда. Сядодо' такалпидо', тарси" илена ненээця" то"олха" ёани' ни"ја". Помнандо' лаханакурја", вабцхабидо' Хорэйко юули" савовна намдоръяда. Не хасава ёацекым' ёани' нерня' наволпа пяда, тарем' мамононда:

—Тяханя' хань", ќацярти ёамдёда, тальня' нэкалт". Тедахав' хана"махадана" сян ёопойнё маня" поңганана" нин мэңгу". Ёобкана сянакодади'. Няр" мале ёамдавы", хэвханда хань".

Тарць" вади" пуд нэлсуй паны мэта ёацекы Хорэйко, няю' ядалай". Хорэйко паныта сесрём', пур"яха ёабтм' намда. Хальмер" ёацекы хэвханда тэводанан' Хорэйко ярума. Хани вэнекоца тикирихина мадлы". Тарця хэрнахад нисяда сиды". Серакабтм' лээмдэ. Ялям' манэтахандо' пелей' няна мэвь" ненээця" пин,

тарадо'. Нё' си' мерцяхад серакабт хабты". Хорэйко' сэвхана нита пуд мими хасава ёацекы ёудамда лабтарха. Пихина сенадо', вабцадо' Хорэйко' ха' сихина савовна сованондо'. Не тарем' мамононда:

— Тадхав' хасава ёацекым' хадрё' ююна" сюрхаленгуга". Пунарка ёани' тутава", пыда тедахав' ёядна" ханяхарт ни хант".

Хорэйко сейда юули" хая, ярја, нисяханда маниевыда ваде"ман' харва, нямюда ханзеркав' хэценанадарев' хая. Ёобкарт вадам' хэта я"ма. Тэри ледре. Нисяда итамда мица, маканда хонабтада. Хубта, няна Хорэйко хангугу", юянида яво ёадимя. Нисяда серото' сер' мякандо' паны ёадсуй ненээцие" тюнга"мам' (нюнда пи' ваде"мы") няхата хэтыда. Ёацекы талеревам' минхандо' тасладо'. Пи' мякандо' хальмер" сидрүнг" турмы". Хорэйко тарць" ямбан' ледре, юянида яво ту' явораха. Ханда син' пихид лаханани намдорнда, небяханда ваде"ядя. Пихина ёоб" лаханана Хорэйкон' ма:

— Мерку' пин' ёадив", маня" сит хосая ёани' това". Теняна нянд ханаком' ханавэнсиянё, теда' сянако ёяданда сит ханаңгуга". Ханакомд нянд ханаңгур", ёэсихынана" ёамгэхэртан' нись паромбю" таңга иленгун.

Хорэйко нисяханда хальмер' ханаком' ханя' сюро"мамда ваде"ја. Нисяда тикирихина ваданда сер' таня' минханда хая. Вары хан' лехэхэна ехэрана ханаком' манэ"ја, нэкалцада, хэвняку' ханада. Хорэйко пи-

хид ёани' лахананам' намда. Не мамононда:

— Мань теда' нё' син' няръяна ёодяко моётадм', ма"лан", пин' ёадив". Маня" сит ёатева". Няръяна сехэрэм' нёдаңгун, ююна" тарем' тутан, пумнана" ядаңгун.

Хорэйко нё' юю' хая, я' нид юамгэхэв ня"марпи, паркасипой" пин' тарада. Варета небяда мяд' хэвхад ня"мада. Пыда нисянида ёудахат ладарнда, нисяда варета мят' тюледа. Хорэйко ёопой небяхаята, нисяхаюта ня' төрсесты:

— Теда' си"ми ёамгэ ня"амбиди", мань нё' сихина вабтамы" ёодяко ма"лабни тара". Пихина си"ми ёате".

Хорэйко' нися тёняңы" нита ня тыдо" ма"ла", тадебям' хосая тасладо'. Сидя ёэдалёда хая. Тарць" ямбхана Хорэйко небяханда етри' тёры"ја:

— Мерку' юа", сава мальцами нини' сериби"! Мань хэб"ни тараңгу, тақыдси"митэрихаеван' ни" харва". Хасава ёацекы ханакомда ёате. Сава ёамзадами пире", юврадамдо' хана". Мань ханимядм', сава мальцами тальня' та". Намгэ паны' юыл' си"ми юсибталаамбин', мань хэвандадм!

Пи' ямбан' тёняңы ёоб" пухуця Хорэйко' небям' ёядаба сенѓа. Немам' нись мэс" варети' ёацекэмди' пин' хэвонггаданда мяканы ня"амбиди". Хубтахана нисяда нултада. Ёоб" тадебям' тэвравы. Таминда тадебя пензтерта ядемдамба ти' ни' мода.

(Пелямда 10 номеркана  
толаира")  
Раиса Яптунэ' падвы



Вадава"

тохоламбива"



**Едэйкохо' Саванехэ' ты пэрма' нямна  
вади ма"лавэхэ'.  
Ты" тэнз" хурка юэвам' тохолара".**

Масти оленей	Ты" тэнз"
Ручной олень	Навка
Важенка	Яхадей
Олененок	Сую
Грузовой олень	Хабт
Передовой в упряжке	Нензаминдя
Летний оленёнок	Няблой
Телёнок годовалой важенки	Нявды
Бесплодная важенка	Хабтарка
Оленёнок, родившийся после окончания массового отёла	Нядэ сую, нядэко
Оленёнок второго года жизни	Нялоко
Новорожденный оленёнок	Таско сую, таско
Трёхмесячный оленёнок	Пендуй, пендук
Оленёнок, доживший до зимы	Сырэй сую
Недрессированный красивый олень	Менаруй
Белый олень	Сэр" ты
Пестрый	Падвы
Черный	Паридена
Серый	Силер"
Безрогий	Малк
Рогатый	Нямдота

## Ты" пэдёхот ныхым' нэкалпива"

(Нердена пеляда  
1-й, 5-й стр. үа)

### ТЭХЭ"НА НЭДАЛЁРМА

Сямянхат ёатенадо' – тэхэ"на няваталаңгурма. Пирдырмамдо' сидя яля' сер' минредонзь. Таняна сырта" пили" јока юэстеты". То'салаба' нимня няваталаңгода" пуд харюта хад тэри путрасеты.

Ядвани сер' ненэцие" мандал' понд' нульяваць. Пыдо' нэдалёрти" помнандо' тасламбиць. Йопойдо' манзеты: «Пелейда маяндорца, мер' выдараңгу». Нанидо' нензаминдянда тэри хумбанзяда юэвам' хэтсеты". Хибяхав" ханнанда ниня мэёвна јамдёдам' хамедасеты". Маханя' юэдалёдэ" ед' манзеты": «Тикахав таминда мяканда пяда, тамна лабкан' тюңгү». Хасавахат сямянхат ва"лёт юэдалёдэ Владимир Хатанзеев юэвьсь. Пыда Надымской район' тер. Не" поңгат Лаптандер Людмилам' тэввяя янгусь. Няхар" не" мал' Ямальской район' тер" юэвьць.

Тюку по' сямянхат мэбета" сёбар" – Ярсалинской совхоз тер". Пудандо' Приуральской район' тер" миңа". Няхарамдэй ян' – «Харп» тер" хэвь". Нерня' ха"амвы" ненэця" харе" яхато' едэй мерета еся ханха"на юэдалэйдаць.

Мале сянаковахад хэвани нерня Ильям' юани' ядабтавась. Пыда сидя яля' сер' юамгэ' мян' есядамда недво"мысь. Нани" ялэ" юэсонд" тодо" ян' ядалъя-нинзь. Тадри' нини' Яр-Саляхана ядабтаңгуни".

Марина Яр' падвы



Снимки: М.Яр, Т.Анварова

Газета «Няръяна Нгэрм»	Главный редактор Яр Марина Тэтакучевна	Генеральный директор АНО «Ямал-Медиа» Зулинова Марья Андреевна	№ 9 Подписано в печать 27.02.2025г. Вышла в свет 01.03.2025 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
---------------------------	--	--	--	--

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года.  
Регистрационный ПИ № ТУ72 – 00559

Тираж 3600 экз.

Заказ № 0232 (тираж 3600 экз.) отпечатан в АНО «Ямал-Медиа»  
Юридический адрес: 629003, Ямало-Ненецкий автономный округ,  
г. Салехард, мкр. Богдана Кнунианца, д.1, каб. 106

Фактический адрес: 629007, Ямало-Ненецкий автономный округ,  
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,  
г. Салехард, мкр. Богдана Кнунианца,  
д.1, каб. 106  
тел. (349 22) 4-53-32

E-mail: nn@yamal-media.ru